



## PROGRAMA DI SUBSIDIU DI RRF PA PARSERU KOMUNITÁRIU

Nu sta kria un programa di subsidiu komunitáriu pa organizasons sen fin lukrativu da mas ajuda pa divulgason y rekerimentu pa Boston's Rental Relief Fund (Fundu pa Ajuda ku Renda di Kaza) atraves di eventus, apoiu teknolójiku y kordenason entri inkilinus y senhorius.

### INFORMASON DI BAZI

Duranti es veron gabineti pa stabilidadi di abitason txomadu [Office of Housing Stability](#) y [Mayor's Housing Innovation Lab \(iLab\)](#), pa kazas assessível, sta kria un programa di subsidiu komunitáriu pa organizasons sen fin lukrativu da mas ajuda pa divulgason y pa rekerimentu pa Boston's Rental Relief Fund (Fundu di Boston pa Ajuda ku Renda di Kaza) atraves di eventus, apoiu teknolójiku, y kordenason entri inkilinus y senhorius.

Perda di rendimento pamodi negóssiu y skola/infantáriu fitxadu, djuntu ku assessu limitadu pa teknolojia duranti krizi di COVID-19 ten aumentadu nunbru di inkilinus ki sta passa pa difikuldadi pa paga renda y ten mostradu mas kuantidadi di rezidentis ki ta depende di grupus komunitárius y organizasons sen fin lukrativu pa es ten assessu pa interneti pa informason issensial sobri servissus juridiku, ajuda pa renda di kaza y otus rekursus pa ivita despeju di kaza (eviction).

Parseria ku grupus komunitárius y organizasons sen fin lukrativu ki pode da assessu pa teknolojia, trata di dúvidas sobri programas di ajuda pa renda y pa servissus di utilidadi público, y apoia inkilinus y senhorius pa konpilason di pakotis di rekerimentu prienxidu, kel ta garanti assessu pa ajuda di imerjencia pa renda di kaza mesmu na sirkunstansias difissil di enfrenta.

Kolaborason ku grupus komunitárius y organizasons sen fin lukrativu ki ten un relassionamentu baziadu na konfiansa ku kumunidadis di assessu difissil, inkluzivi komunidadis ki ta papia otus linguas sen ser inglês, komunidadis di imigrantis, y inkilinus di rendimento baxu-pa-médiu ku assessu limitadu pa teknolojia, pa garanti ki verbas munissipal di Rental Relief Fund ta atinji objetivu di distribusion igualitáriu y ta kontribui pa sforsus munissipal kontinu pa aplika igualdadi rassial na programas izistenti.

Programa RRF Community Partner Grant ta ben apoia sforsus pa entende ki stratejias di divulgason, aplikason di apoius y abordajen di komunikason ta sirbi midjor interessis di inkilinus y senhorius ki sta djobe ajuda ku renda di kaza, y ta apoia trabadju kontinu di funzionários di OHS y otus partis interessadus ki sta prossessa y distribui pagamentus pa ajuda ku renda di kaza. Parserus komunitárius selescionadu ta ben kria y implementa un planu di tres mezis pa divulgason y envolvimentu pa inkilinus y senhorius. Dipos di un avaliason di stratejias di divulgason y métodos di envolvimentu, kuzas ki prendedu ku programa di subsidiu pode ser adaptadu pa mas perius di servissu y parserus.

### APANHADU JERAL DI PROGRAMA DI SUBSIDIU

Es programa di subsidiu sta da un total di \$150,000 di subsidius pa aumenta divulgason pa Veron di 2021 ti Outonu di 2021. Enkuantu valor di subsidius ta varia na kuantia di dinheru, rekerentis pode pidi ti kuantia máximu di \$20,000. Nu ta antessipa finansiamentu pa un máximu di 10 organizasons es veron (Agostu 2021- Outubru 2021).

**Prioridadi ta dadu pa:**

- Rekerimentu di entidadis pa stende intenson di divulgason y envolvimentu pa sertus populason ki ta enfrenta un risku desproporsional di despeju, inkluzivi komunidadis ki ta papia otus linguas sen ser inglês y agregadus familiar ku kriansas, y di grupu BAPOC (Negrus, Afro-Merkanus, Indijinas, y pessoas di kor).
- Rekerimentus di organizasons sen fin lukrativu na bairrus di morada di Boston ki ta sufre un inpaku desproporsional pa instabilidadi di abitason y risku di despeju (*eviction*).

**Kritérius pa Kualifikason di Rekerenti**

- Rekerentis o ajenti fiskal nomiadu debe ser un organizason sen fin lukrativu izentu di impostu 501(c)3
- Ajentis fiskal debe sirbi kuma ajenti fiskal só pa un rekerenti.
- Rekerentis pode pidi só sforsu di envolvimentu ki ta kontinua duranti veron interu. Verbas KA TA SER disponibilizadu pa eventus singular “one time”
- Rekerimentu di ajuda debe ser di grassa y abertu pa tudu inkilinus di Sidadi di Boston

**Rekizitus di Benefissiáriu**

Si for selesionadu, ta ser izijidu:

- Rekerenti y planu di divulgason/envolvimentu debe sta funsiona gossi o ta kumessa ti prazu di 2 di Agostu di 2021 y sta ta funsiona ti 31 di Outubru di 2021.
- Benefissiárius di subsidiu ten ki partissipa na un orientason virtual di *Rental Relief*
- Benefissiárius di subsidiu ten di manda un relatório semanal sobri atividadis di divulgason
- Benefissiárius di subsidiu ten di manda un relatório finanseru y programatiku ti máximu di 30 dias dipos ki periudu di subsidiu termina. Formatu di relatório ta ser dadu pa *Office of Housing Stability* (OHS, gabinetu di stabilitadi di abitason)

Verbas pode ser uzadu pa kes despezas li:

- Kontratasón di funcionárius, ku oráriu parsial o integral, dedikadu pa kordena atividadis di implementason di divulgason y envolvimentu (kontratasón pode inklui redistribuisón di oráriu pa funcionáriu prezentí)
- Material impressu pa divulgason
- Kanpanhas virtual/mídia
- Teknoloxia pa fassilita envolvimentu ku inkilinus y senhorius (mensajis SMS, tablets/konputador portátil, etc.)

**MANERA DI FAZE REKERIMENTU/PIDIDU**

**Rekerimentus ta setadu ti sesta-fera, 23 di Julhu.**

Otus oportunidadis

Bu sta interessadu na konsigui assessu pa material di divulgason pa *Rental Relief Fund* o pa da un treinu na bu organizason sobri rekursus disponível na Sidadi di Boston pa stabilitadi pa abitason? Pur favor, inskreve bu nomi [ali](#).